

不
能
不
讀

別
集
卷
一



10583

棟亭詩鈔目錄

卷八

軒前殘菊

掃竹生雪望諸同人不至

寓齋即事與諸同人夜話有懷晚研曾寓此

三年

可亭過訪即事口占

暢春苑張燈 賜宴歸舍恭紀四首

正月二十九日隨

駕入侍鹿苑二月初十日

棟亭詩鈔卷八目錄

陛辭南歸恭紀四首

南轅雜詩

雨寒書院小酌王竹村以餅肉相餉即事戲

與元威雲村蓼齋己山璫亭吹萬共賦索

竹村和用東坡集中韻

白杜鵑雌雄一雙江天御得自吳門索題漫

賦四首

書院述事三十韻荅同人見投之作兼寄前

詩局諸君及滙南于宮綺園

城西看牡丹四捷句



元威網菴送牡丹口占代柬

白杜鵑意謂聲似鷓鴣復題二詩正之

巫峽石歌

蓼齋餉麻酥笋豆鵝卵題三捷句志謝兼索
數句爲笑

小遊仙十六首

和同人詠西軒柳

已山枉過西軒得又昭蓼齋書漫賦時東田
先至

聞南軒書聲與蔗軒赤霞東田已山分韻有

棟亭詩鈔卷八

目錄

二

懷書局諸子

桐陰

九夏將殘颼颼風至揚州西院校書偶題

商丘宋尚書寓近書院往來甚適漫志三首
且訂平山之遊

西軒

疾小已偶成

病痞諸子日夕撫視志感少愈當逐頭細書
以伸此意

棟亭詩鈔卷八

千山曹寅子清謨

軒前殘菊

豔豔秋將盡
萋萋葉未零
色衰渾藉紫
露重自扶齡
小憇登高步
長開送客亭
挹香來老伴
清影半山屏

掃竹上雪望諸同人不至

雪壓軒前竹
清晨自捲簾
驚風瀉餘溜
幽鳥聚深檐
健起一庭碧
浮膏半井甜
只愁埋屐齒
開道有長杓

棟亭詩鈔卷八

一

寓齋即事與諸同人夜話有懷晚研曾寓

此三年

凌結銅蟾戢
墨兵衰疲那
競世間名糟
衣一隊殘司
局米汁三年
老弟兄傳舍
紛紜真畫西
陶輪迴幹謾
呼庚草玄亭
下梅千顆可
憶荒堦夏竹
聲晚研

自云家園有梅數千
本歸築亭終老其間

可亭過訪即事口占

藥園閔拋鶴
背鋤親情還
摘雪畦蔬殘
年北去南來
雁過日東流
西上魚不急
音書空泛泛
乍寒淮水亦舒
舒鬚鬚白盡
輪君健偃蹇
時應稅鹿車

暢春苑張燈 賜宴歸舍恭紀四首

月路煙霄徹地澄上林春燦九華燈暖隨榆柳初
傳火象行魚龍漸泮冰閣外蒼山排玉笋盤中珍
果薦窠綾蘭臺異數曾沾渥賦擬枚臯拙未能
遐荒旃毳仰陶甄筐篚微忱切下臣憶祝

堯年書甲子重瞻玉曆紀壬辰狂收瀚海鯨鯢靖
清潤瑤山草木新

上壽普天歌

聖孝生民同慶太平春

光浮太乙照千門徧召陽和布密

棟亭詩鈔卷八

二

恩輦路餘磨敷細草籞闌分餉及中尊久慙衰病
承貂珥乍眩青紅列只孫放仗幾家籠蜜炬緩歸
騎馬月中村

風香繞路拂紅綃自擬長叅寄具寮湖滙萬泉清
地紀春迴北斗見天標幸無鄰比喧腰鼓嬾逐游
人上堍橋寶勒金鞍少年事祇應龕火伴幽寥

正月二十九日隨

駕入侍鹿苑二月初十日

陛辭南歸恭紀四首

雲影觚稜曙色開雞鳴問寢

大家來天長上苑應修禊節近中和已洩雷黼帳
行開稍麥宴鑿輿高出晾鷹臺期門百隊龍旂後
更有名王萬騎陪

喀爾喀厄魯德盡
歸旗奉藩來朝

一層宮樹一層雲五柞長楊望不分舊屬飲飛能
搏虎分番郎舍盡攻文濡毫乙夜酬封事列陞辛
盤賜禁軍拖玉廿年空皓首衰殘何以報吾

君

府制精嚴備

聖朝漫言干戚靖三苗請看邊海車書會坐致蠻
荒兵甲銷幾輔治繁須大尹啟庭宿衛有驃姚執

棟亭詩鈔卷八

三

鞭敢奉周廬士又趨星槎萬里遙

盛京黑龍江浙江西
安將軍俱同陸見

二月浮陽似水明紅門萬勒寂無聲地寒沙柳藏
狐兔道僻村墟聚麇麇束髮舊曾充狗監彎弧中
歲度龍城

宸游扈從期何日空檢丹黃註兩京

南轅雜詩

料石岡南窳堵波春城初傍紫泉河暫時也得掀

橈趣二月冰凌繞埭多

新城泛舟
至白溝

瓦橋官柳嫩黃生魚麥鄉關倍引情惆悵殘年王

比部鬢毛憔悴庾蘭成

越北口憶
阮亭句

三栝野具椒花雨一領新縫白兔裘過酉那知風
伎倆油窗月晒枕東頭宿任丘

七字吟酣可拔貧多生寒乞笑詩人金風亭裏金
針秘祇度凡夫證小身題據韻後

瀛州土瘠拙倡優笛鼓掀棚開不休想到來朝近
春社樗村煙壠正呼牛

乞活城西白草稍平原一派響鳴散金弮玉勒無
停跡風捲寒沙上鳥巢過河間大風少時曾游獵於此

龍頷弓高莽聚灰房淵百里變蒿萊華陽夜半傳
琴去頭白高生跨馬來阜城題壁雇長一尺高允事

棟亭詩鈔卷八

四

碧油捻具入中殮方物曾聞奉

至尊乞與南人作新樣杏花寒食鬪江村景州鐵枝大吏以入

供坡詩佳人歷扁金甚似之

乍涉寒流振紫纓禹城雅鳥喜同聲引韉還是偏

南是濟上船郎縮柁迎風止德州曉發時擬游跑突泉仍改中路

薺麥風多迫曉寒華筵坐久視香盤故鄉咫尺書

頻到畫鶴堂陰徧牡丹高唐署中留題

不遇王喬死即休吾山何必樹松楸黃初實下千

秋淚却望臨淄作首丘過東阿子建聞曹丕受禪大哭見魏志

石勒曾為廝養卒桓溫堪作帳前兵六梟一博天

難定枉使姦雄笑後生

過在平和沈滕友句

滄洲酒滑碧琉璃小榼分携步步隨笑對馬軍馳

不得緩歸猶及送梅時

得滄酒期至揚州餉諸同人

江城無日不埃風園內新紅歷舊紅料是高花易

狼籍儘餘婪尾待衰翁

得書寄西軒諸子

御史行中老校書銀臺班上舊緋魚前驅不用呼

排岬只載行春酒一車

將至竟州囑南使

一龕度架疊書函恰趁前人號眈菴送得升天幾

彌勒年年搖膝出燕南

明楊用修以升菴字其所乘輪又前輩云士大夫不肯坐出彰義門定卧着出

去因戲題之

棟亭詩鈔卷八

整帽樓衣不滿斤雨晴奴子日紛紛馬前已見鳧

山了可怕東風長白雲

次柳縣微雨

北地敲凌滿進船

正月雄縣即鑿冰候水圍

暫放南湖水不借追風七寶鞭

聞湖間下板舟不得上有寄

岬呀青壓鍾吾國沂水流經郟子城二十三年真

抹電野橋何處記鈴聲

庚午歲予以使命任吳門有題壁詩忘其落句壬辰二月過界河續成之

賣馬求船劇底忙

放翁句賣馬求船猶少日

便遇腰笻子莫漫題詩贈鬲郎

臺庄得船夜發聞東田稊亭在宿遷候久先馳一詩慰之

雨寒書院小酌王竹村以餅肉相餉即事

戲與元威雲村蓼齋已山璪亭吹萬共

賦索竹村和用東坡集中韻

新城舊城衙鼓動邸門麋踐春泥重行臺祿料支
不前園官菜把勞擔送今晨鑽火愁兩童坐客傳
餐來二仲禴祭那問東鄰牛清齋久轅廩家甕一
食何殊煦聚淵九螯共笑脂藏洞不有才王齋脯
炊幾希區脫求羶種拭匕還矜大嚼能堆盤早饜
諸徒從何時晴郊快出游小車急辦行追共萬想
無如飽即休三咽亦假饑爲用始訝僉翁目潤靈
鵲突更審癡兒夢

子帶織使校書時諸部院使以科事俱集揚州

白杜鵑雌雄一雙江天御得自吳門索題

棟亭詩鈔卷八

六

漫賦四首

怨鳥啼春無惡聲隔櫺毛羽望分明頻伽隊裏修
長命鸚鵡巢中感寄生竟夕司花搏雪影殊方掌
食飼雲英歸飛正穩千山夢可那間關亂早鶯

華陽有筆紀朱提杜老嘗聞再拜詩毛裏也應憐
肉攫網羅猶幸胷冰絲携歸鶴市春將晚行過蠶
叢客自知昨夜林亭饒月色小笈移近向南枝

本

云似雀鶯殊不類

浴罷銀沙不著泥一雙俛啄一雙栖難分蜀國雌
雄鳳漫繪宣和子母雞候處筍蝦愁爛賤吟成粉

絮失端倪凡禽莫問家何許青壁摩天險絕梯

宋徽

宗詹思殿書譜獨無杜
鶴蜀國鳳見昌谷句

紙閣寥蕭自耐眠惱人常悞子規天誰裁錦帕收
紅淚笑拍金籠併玉肩長日晝暝青莢雨空城風
攪綠楊煙太平花鳥紛傳玩斟酌蟲魚仔細箋

書院述事三十韻荅同人見投之作兼寄

前詩局諸君及滙南于宮綺園

南轅不涉江秣駒亦戀楚投鞭入荒庭叢竹欣有
主平居厭羣臭一官寄餘腐幸脫酒肉場闌入典
籍罟此地結文緣俛仰熟眉嫵比鄰二三子天矯

棟亭詩鈔卷八

七

簇鱗瞥知我別酸醜老眼困針組笠屐數過從廓
落謝城府相將弄匏卮間一揮燕塵曠放無端倪
高論窮物祖橫空盤健翮獨力鞞勅弩搜羅極杳
冥剔剝屏解詁有時隱春燈待月上牆堵哦詩達
吏舍驚起徧兩廡不審客胡爲逡巡縱奎踞時豪
侈狂譎犄角自枝柱賣威走羣狐塞穴多倖鼠疇
起往拯之播禍及馘乳盲瞽踐軹虺暗殘茹奇蠱
經義與治事杳鑿兩鉏鋤重茵坐堂皇何以荅恩
詡緬昔京雒舊見面各爾汝朴畧倒瓶罌隨意摘
瓜苳風簾擲葦藁委巷警寒杵爲歡詎在盛寤寐

今覩縷人生富若貴手足易情窳昨夜荒江雲老
屋被幽雨我懷寄淵澹庭戶久延佇因誰作漁歌
把臂話雞黍庶幾近俗情斯須慰羈旅

城西看牡丹四捷句

今年花興赴春遲倂憊餘寒怕辦詩孟季季旬過
穀雨晝闌纔見醉蠶兒

佯顛做嬾一番風剪紫裁紅特意工來日栢觥付
闕漢不教狼藉對詩窮

掃垢山旁花獨幽杙船一桁綠楊稠可知國色無
兼美剛數曹州又亳州

棟亭詩鈔卷八

八

壁上題詩破紫苔花前酌酒更徘徊日斜鶯倦出
門去收拾殘香好再來

元威網菴送牡丹口占代柬

角酒量文帖乞花竹西春老客思家夜來金谷誰
爭長塞破寒廳鬪寶車

烘霞錯繡上銀屏偃露敲風要使令七尺光中真
醉倒願花長壽祝花靈

推邢亞尹靜無辭隨例煎酸不作詩一捻妖紅三
束錦何須越網網西施

無論魏紫與姚黃曲朶牀頭共飲香兩日畫簾閉

不卷老夫可是護花忙

白杜鵑意謂聲似鷓鴣復題二詩正之

窗外催歸第幾聲
鈔胥詩已徧蕪城
頻疑謾草圖中見
笑指薑芽樹上生
寒乞都官曾作字
流傳樂府不知名
南飛莫悞飛奴子
試遣瑤函叩玉京

身頗

類鵲隔籠山雞引之
則歌介奮鳴不已

何處啼山雪
滿身鉤輞愁
過落花晨自調
蘆管教黎女
並坐鵝籠看
壁人地暖不生
銜葉智兩昏
差免撲簾塵
荒江後夜春
歸急可送離
舟漫綠蘋

巫峽石歌

棟亭詩鈔卷八

九

巫峽石黝且爛
周老囊中攜一片
狀如猛士剖餘
肝坐客傳看怕
斃手扣之不言
沃以酒將毋流
星精神蟻食雷
斧鑿空摧霹靂
媧皇采煉古所
遺廉角磨礪用
不得或疑白帝
前黃帝後灘堆
倒決玉壘傾風
吹日暴幾千載
旋渦聚沫之所
成胡乃不生口
竅納靈氣峻嶒
骨相搖光晶嗟
哉石頑而曠礪
刃不發礪繫春
不舉踵研光何
堪日一番抱山
泣亦徒漣漣請
君勿侈山但說
峽中事暮崕水
可敵慧泉江流
幾折成巴字瀼
西村魚復浦艷
瀨堆前發櫂郎
昭君村中負壺
女窮猿播木畫
長伏月

黑蛇游巨於股誰云陽臺樂不信巫峽苦得失毫
釐間父子不相顧連繩縛纜篙攢蜂鋏船一觸百
雜碎撇掇脫手隨飄風安得排八翼叫九閭勅豐
隆驅巨靈鏹削嶮巖作平地周行萬里歌砥京亦
不願估盈緡權增歲惟願耳不聞哀號之聲目不
覩橫亡夭折百姓安樂千億襁如君言亦復癡伯
禹雖大聖其或猶難之平陂往復據定理患去惕
出天所持俗聞呼龍有小話米脂魚膏饜犬馬裒
多益寡古則然黔婁豈合長貧者嗟哉石宜勒箴
愛君金剪刀鑄作一寸深石上驪珠只三顆勿平

嶮巖平人心

棟亭詩鈔卷八

十

蓼齋餉蔗酥筍豆鵝卵題三捷句志謝兼

索數句為笑

稻花作炒徧甌犧巨勝扶衰祇淖糜誰似殷家出
新意搗成環玦利詩脾

勺分蔗醬粿晶鹽旨蓄冬餘例并兼衰齒鎮常欺
脆軟錫絲休唱過街甜

落燈風後罷交孚漫喫經時趁眾雛按月籠蒸三

十顆不知堪遺細君無

明陽羨相月蒸鵝卵三十月尾益
蒸如數日進一卵力勝鍾乳云

小遊仙十六首

枕藉藍田玉一堆鬱蕭時怯步虛回而今穩習烏
龍法只啖安期棗四枚

綵童深鎖隔溪雲洞裏胡麻倏見分怪底西方驚
日出不知誰買上梁文

玉勾枕月醉淋霞幾度升天犯斗車此去峨眉無
李白莫教袖裏萎瓊花

全家奕世列仙曹長笑三郎釣六鰲來歲東華親
考校可能分得阿兄桃

天風吹下許飛瓊虛室雙鍵斗水明信是仙人金
骨冷鬚眉一夜化玄卿

棟亭詩鈔卷八

十一

雲階月地影婆娑石屋經春漫薜蘿又趁星駟霄
漢去人間無處覓麻婆

剝水殘山作半人多時席帽不生塵韋娘漫恨頭
如雪尚少彭鏗七百春

毳毛伐盡浥清寒自縛茅龍上石壇何事攬身無
火伴已曾守廁代劉安

娑羅樹下暢玄譚羊角風高透蔚藍磨鈍幾回修
月斧一枝仙杏不曾探

役隸金庭亞左神乍看癡肉似凡身上清那用銓
真誥恰少璇宮琢玉人

剪紙爲驢葉作舟倒傾三峽說奇遊傍人不信呼
顛子囊底餘糧盡石頭

北海南溟杳靄間颺輪飛去俯孱顏研朱好註先
天易漫指崑崙作良山

黃海仙人薜荔衣斑龍偷跨跡如飛不防玉女窗
中見長覺深山有是非

秘室丹成滿白雲一聲清嘯四山聞仙家自有移
情術空把桃花呪少君

吟付乖龍守鑰匙上元修藥得歸遲等閒流出殘
花片除問劉郎那得知

棟亭詩鈔卷八

三

自縮真鉛謝本師師門真有賣針兒藍橋不是登
天路又被玄霜賺轉屍

和同人詠西軒柳

夏日西軒柳陰涼一倍多藤輪無暑到弱席喜長
過綠暢通身舞

見晉史

風薦衆景蹉未嫌占鳥夢山

鵲已成窠

已山枉過西軒得又昭蓼齋書漫賦時東

田先至

楚江波迥溯雙魚有客乘舸慰索居門徑爲誰淹
宿雨山堂還共較殘書桐花合幕螢深入緼被連

牀夜自如轉盼春風引鄉薦待排驄馬發公車

聞南軒書聲與蔗軒赤霞東田已山分韻
有懷書局諸子

何物能移夏西風破杳冥壺殮當夕美星彩近秋
靈絮語蟲將老分牀客共醒熒熒燈火外可耐稚
梧青

桐陰

桐陰復柳影朝夕異涼暄地淨難容帚煙光不在
臺衣香排几簾葉露灑琴樽此意須誰說王何理

不根

月下熱甚強
東田說鬼

棟亭詩鈔卷八

三

九夏將殘颺颺風至揚州西院校書偶題
海雲吹不斷解宇日風涼策策抽新筍行行遶畫
廊好時無酒伴隨處入詩鄉畧似休禪老長懸結
夏牀

商丘宋尚書寓近書院往來甚適漫志三
首且訂平山之遊

幽懷動千里執手復邗城耆舊家山盡江湖宿草
生詩書徵福澤邸旅被嘉名遮道兒童喜華輶擁
上卿

韋蒼文讌罷無夢入滄浪禪韻亦銷歇風流誰激

昂乞身榮莫逮情話老相將放鴨西陂路

天恩正久長

南禪寺近瀟浪亭石杆精舍尚書所築爲盤山開先禪侶駐錫之地

平山半蕪落南向極空青泉味世中淡松風寺外聽常餐隨粥飯小具挈瓶飯顧盼生茶興何時縱權經

西軒

新竹有涼色入秋多北風晚餐宜病體午晡到衰翁挂壁紗衣滿連牀蒟席同尋常盤礴慣只在此軒中

疾小已偶成

板亭詩鈔卷八

一四

高幔纔收露宇明蕉衫初解嫩涼生好知清夜無多語靜聽西軒打脚聲

病疴諸子日夕撫視志感少愈當逐頭細書以伸此意

爾汝日相識何時返自然秋風病滋味夜雨話因緣惠水一色湛離支幾品鮮不營虛白觀應乏口談元

